

- fiones, & affecta loco fructuum esse ex interpretatione juris, non ex propria natura, aut conditione: huic addo, quod ex quo à jure ipso civili expressum est, ut predicta fructuum vicem obtineant, sive pro fructibus habeantur, mirum non esse, si à Doctoribus fructus civiles appellati fuerint.
- 69 Sextò & ultimò constituo, pensiones, vecturas, mercedes, & similia, propriè aut strictè loquendo fructus non esse, largè tamen, & generaliter intelligendo, sive juris civilis interpretatione, sub nomine *Fructus* comprehendì, aut fructuum loco haberi, ut rectè dixit Mandellus de Alba *dict. cons.* 441. n. 12. Vincentius Carocius *de locato* & *conducto*, *dicta q. 10. n. 5. folio mibi*, 131. & novissimè sic etiam intelligit Joannes Guttierrez de tutelis, & curis, 3. parte c. 23. n. 16. & 17. & clarè colligit ex iuribus adductis *suprà*, n. 65. unde Civiles fructus appellavit superiora Bartolus *in dicta l.* & ex diverso, n. 1. ff. *de rei vindicatione*. Paulus Castrensis *in l. si navis*, *in principio*, eodem titul. Berous *in c. gravis*, n. 9. *de restitutione ipsolatorum*. Lotorius *de fructibus*, *axiomate 16.* Menochius *recuperanda possessionis remedio* 15. sub n. 623. Quæ opinio sustineri poterit, intelligendo eam juxta declarationem fructuum civilium traditam *suprà* n. 67. & 68. Nec admitti potest Alexandri sententia *in cons.* 142. n. 7. lib. 5. licet eum, sed male quidem, sequuntur *sint Afflictis decif. 44. n. 7.* Franciscus Marcus *decisione* 1420. n. 8. part. 2. dicentes, pensiones, vecturas, mercedes, & similia esse ad similitudinem fructuum naturalium, cum revera ab ipsis multùm distent: enimvero predicta absque opera, facto, & diligentia hominis provenire non possunt, ut de se patet aperte, fructus vero naturales nihil, aut parum cooperante hominis industria, producuntur, ut superius probavimus: similiter admitti non potest opinio quorundam afferentium, domorum pensiones, mercedes, vecturas, affectus, tributa, & similia, à fructibus industrialibus non separari. Quòd scriptis Bartolus *in l. ultima*, *in fine*, ff. *de jure fici*, & tenet Covar. Corrasius, Copus, & alii, quos in id expendunt Menochius *dicto casu* 210. n. 27. & 28. Vincentius Carocius *dicta questione* 10. n. 9. fol. 232. & ultra eos Pinellus 2. parte l. 2. C. de *rescindenda venditione* c. 4. n. 52. ante finem. Minsinger *in l. si quis a non domino*, n. 7. *Institut. de rerum divisione*. Sed decipiuntur aperte; nam licet in predictis industria & diligentia hominis versetur, ut dictum est; quia tamen id non fit cooperante natura ad productionem eorum, Industrialia dici non possunt, ex dictis *suprà* n. 53. & 60. idcirco coacta ratione, predicta à fructibus Industrialibus separare necesse est, constitueréque, fructus propriè non esse, sed juris civilis modo, & interpretatione, fructuum loco haberi: & de his haec tamen, quæ ut vides, distinctè magis quam ante erant, remanent explicata.

C A P U T XXXVII.

- Minera, sive minera, creta, arena, lapidicina, vena marmorea, aut lapidea, sive aurea, sive argentea, metalla, salinaria, vel similis, quæ in fundo fructuario reperitur, utrum usufructuarii commodo cedere debeat? Deinde de thesauro reperto in fundo fructuario, & de augmento alluvionis in eodem, brevis, vera tamen, & distincta resolutio traditur: Molinae, Garciæ, & Barbosæ resolutiones in hac materia adducuntur, & nonnulla circa eas noviter adnotantur per Authorem.

S U M M A R I U M.

- I Onnia dubia proponuntur, quæ in hoc capite disputantur, & quæ in summario supra proposita sunt.

De Usufructu.

Caput XXXVII.

151

- 1 H Is, quæ Capite præcedenti de jure usufructuarii dicta fuere, proximum est conjungere nunc, & brevi resolutione explanare utrum etiam minera, sive minerale, creta, arena, lapidicina, vena marmorea, aut lapidea, sive aurea, sive argentea, metallica, salinaria, vel similis, quæ in fundo fructuario reperitur, usui, & commoditatè usufructuarii cedere debeat? & de thesauro reperto in fundo fructuario, & de augmentatione alluvionis in eodem.
- 2 Et quod attinet ed primum dubium, ejus resolutio ex quorundam iurium decisione petenda videtur, *l. usufructu legato*, 7. *l. usufructu relicto*, 59. *l. aquifissum* 17. *ff. de usufructu*, melius in *l. item si fundi*, 9. *endem tit*, ubi sic scribitur: *Etsi lapides in eo fundo sint, eorum quoque usufructus ad eum pertinet: sed & si lapidicinas habeat, & lapides cadere velit: vel creta fodinae habeat, vel arenas; omnibus his usufructum Sabinus sit, quasi bonum patrem familias. Quam sententiam puto veram. Præterea de hac re, & materia hujus Capitis, originaliter, atque attente prælegentes sunt, quæ Bartolus, Alexander, Castrensis, Jason, Vincentius, Duarenus, & alii Doctores communiter scribunt in *l. divortio*, *§. si vir, ff. soluto matrimonio*: lecturā enim Antiquorum præhabita, ipsorumque resolutione recepta, facile etiam percipi possunt, quæ in qualibet materia Recentiores scribunt, vel adjiciunt, alias à Neoreticis incipientes, nec antiquorum commentaria originaliter prælegentes, rem de qua agunt, radicibus, sive fundamentaliter intelligere non possunt. Deinde, ut alios omittam, qui ab eisdem præcitantur, legudos omnino Mieres de majoratu, parte prima questione decima n. 32. Molina de Hispanorum primogeniis, lib. 1. capitulo 23. ex n. 8. uigil in finem cap. Joannem Garciam de expensis & meliorat. cap. 22. n. 47. per totum. Petrum de Barbosa in dicto *§. si vir, per totum*. Quod attinet tamen ad præsentem materiam à principio, usque ad n. 7. & n. 8. in fine, & n. 9. & 14. & n. 16. & 17. per totum, & vide novissimè Joannem Gutierrez de tutelis & curis, 3. parte, c. 25. per totum, fol. 642. & seq. Molina autem, & Joannes Garciæ, ceteris aliis elegantiis scribunt, & nonnullos casus distinguit Joannes Garciæ; alios etiam Molina: idcirco eorum ordinem servare, & à primo casu incipere necesse erit.*
- 3 Primò igitur constituit Joannes Garciæ dicto c. 22. n. 47. in princ. quod si lapidicinas, mineræ, aut mineralia argenti, cretae (intelligendo semper de ea parte, quæ fundi domino competit, non de ea quæ ad Principem spectat ut ante dixerat Molina ab eo non relatus d. c. 23. n. 8. in principio) metallorum venæ, arenas, aurive fodinae, antiquæ sunt, ex quibus aurum, argentum, creta, sive aliud metallum, lapidesve excisi, vel effossi sunt tempore Majorum, & ita consuetum fuerit; poterit usufructuarius uti eis ad eum usum, & commoditatem, quæ à principio Majoribus fuerit, qui tradiderunt, ex *l. si fundis, ff. soluto matrimonio*. Quælicet loquatur in marito, ex eadem ratione recipienda est in usufructuario, & alius ex sententia ejusdem Authoris, qui superiora aliter non comprobat, cum tamen ante eum idem scripsit Cujacius *observationum*, l. 15. c. 21. & in esse præfenserit Lofredus in cons. 28. n. 8. atque ex ratione dictæ *l. si fundis*, agnoscit etiam, sed Garciæ non refert, Petrus de Barbosa in dicto *§. si vir, n. 4. vers. præterea dum textus*: ubi explicando textum in dicta *l. item si fundi*, constituit generaliter, lapidicinas, & venas metallorum jam apertas tempore usufructuarii legati, indistinctè pertinere ad usufructuarium. Id quod ultra predictos confirmari potest ex his, quæ scripsimus supra hoc eodem lib. cap. 22. & dictis per Connatum *Commentarium* *juri civili lib. 4. cap. 1. n. 3. ante finem*; ubi scribit, & rectè comprobant in dijudicandis rebus, quæ ad usufructuarium pertinere debent, multum valere ejus, qui usufructum dedit, consuetudinem, ex dicta *l. item si fundi, ad finem*, versiculo, nam *§. si fundi usufructus fuerit legatus*, & nonnullis exemplis ibidem adductis,